

distare. Vitrum ejus ob vomitus grandiores magni momenti iridem non censco; Flores quoque ob mercurialem indolem non ademptam, vomitus vehementiores cientes, quos aut per se, aut cum additione confectos cum Mercurio vitæ dicto in eodem gradu pono. Spiritus & olea varia simplicia & composita igne vario tortum expromit. Sal ipsius ob insignem suam in morbis diversis quartanâ præcipue, efficaciam non in postremorum medicamentorum numero versatur. In sudoribus ciendis Antimonium Diaphoreticum haud postremum inter Diaphoretica medicamenta locum obtinet, ut & Cinnabaris post Butyrum Antimonii collo retortæ adhærens, quæ igne constans & fixa reddita iridem in morbis mira præstat, & secundum veras artis operationes tractata ad majores & altiores perfectiones, & efficaciam gradus assurgit. Mercurium vitæ verum, sibi prolem integram, omnem morbi nervum penitus absorbentem vocat *Helmontius in Arcanorum Paracelsi enarratione*. Magisterium, Arcanum, & primum Ens Antimonii iisdem mediis parantur, quibus ex cæteris, ut antea diximus, eliciuntur: De ipsius Archidoxa Paracelsi consulantur, faciliora jam tibi cui in præcedentibus clavis detecta, & tradita est. In Alchymia usu quoque maximo pollet Antimonium, quod Auri primum Ens vocatur, & ex cuius Regulo Stellato, vel Stella, quam in fusione acquirit, signato, magni momenti multa posse produci tradunt. Ab Auro cætera Metalla segregat, aurumque ipsum purissimum reddit, unde & ipsi corpus humanum ab omnibus sordibus & excrementis noxiis purgandi facultatem maximam à Creatore concessam esse concluditur, si videlicet qualitatem suam venenatam artis beneficio prius deposuerit. Invenitur quod aurum continet, & artificibus artem illud separandi callentibus idem tradit, atque eos haud parvo quæstu locupletat: Sicut & plurima ejusdem copia immaturum aurum, cum ejus ipsius Primum Ens existat, visceribus suis reconditum gerens, artificibus illud maturandi rationem & modum non ignorantibus ingens lucrum afferre solet. Ut in compendium contraham, & debito suo elogio notissimum hoc Minerale dimittam. Incredibilibus dotibus ipsum exornatum eos, qui veram ejus cognitionem consequuti intima ipsius penetralia rimati sunt, haud exiguis thesauris fortunare posse affimo. Sulphur vulgare, & combustibile incombustibilis Sulphuris matrix, pinguedo oleosa facile flammam concipiens, & Salispetræ hostis capitalis, metalla imperfecta cuncta impedit, quò minus ignis violentiæ resistere queant. In aurum & argentum nihil juris habet, cum ea jam clausa ipsum exclusum destruere nesciat, licet calcinando corpora ipsorum superficietenus aggrediatur. Fixa enim hæc manent, & nemini cedunt, nisi unico illi liquori, qui cuncta penetrat & destruit. Cum Salispetræ horrendum illum pulverem pyrium procreavit, & tot millibus hominum ad miserabilem & deplorandum interitum viam stravit. Tota Terræ superficies intrinsecus hoc Minerali opulenta hinc inde montes perpetuo ardore ignem

Sulphur vulgare.

Pulvis Pyrius.

partim assiduò, partim per intervalla vomentes emitit. Tales sunt Æthna in Sicilia Insulâ, Vesuvius in Neapolitano Regno, Hecla in Islandia, Gunnanapi in Nero Indiæ Orientalis Insulâ, & alii. Imò in ipsis terris humidioribus, & mari propinquieribus, quales in Belgio, cespites effossi, & exsiccati sulphure ut plurimum repleti sunt, quod & seipsum flammâ suâ sulphurâ prodit, si prunæ residuæ post flammæ consumptionem moveantur. In multis locis ex terrâ eruitur, & effoditur; In aliis ex sulphureis materiis & terris, aut lapidibus excoquitur, ideo Duplex dictum, Nativum & factitium, utrumque magni inter homines usus, & emolumenti, ut & damni, dum Salispetræ mixtum tonitrua æris horrenda æmulatur, & misera morte mortales, conficit. Cum Mercurio matre pater Metallorum dicitur, Masculi vices obiens, & in Mercurium tanquam sœminam agens, ac præter metallum reliqua Aurum sive Solem terrestrem producens, partum, qui nihil aliud est, quam ignis purus putus in Mercurio, qui hunc eundem ignea sua vi coagulavit, atque ita aquam suam, cui inhæsit, in corpus constans & fixum constrinxit, & exsicavit. Inter medicamenta Chymica suum sibi locum, & quidem haud postremum arrogat. Spiritus ejus acidus, & flores ex Hermetica in Galenicam Scholam traducti: Ille per campanam fit, crystallo additâ multiplicabilis; Hi per se aut cum additione fiunt, & fixi magnæ sunt in Medicinâ & Alchymia authoritatis. Cum Sulphur nil nisi pinguedo existat, etiam facile rebus pinguibus, ut oleis & similibus se solvi patitur, & Balsamos Medicis ac Chyrgurgis exhibet, ex quibus Sulphur iterum per Spiritum Vini probe purificatum, aut rectificatum extrahitur, ac eo per Balnei distillationem ablato in flavas & pellucidas Crystallus, quæ Rubini Sulphuris nuncupantur, concrevit. Hæc per distillationem ex retortâ vitreâ in arenam repositâ oleum reddunt instar granati, aut Rubini rubrum, & splendens, in Pulmonis affectibus, & haud paucis aliis morbis curandis remedium admodum efficax. Ex Sulphure fit etiam Anodynum sulphur, dulce, innocuum, somniferum, saccharinum, suavem somnum apportans & principales facultates restaurans. Vitrioli enim simile, *Helmontius cap. 9. de Lithiast* ait esse in Sulphure Vulgari, cujus ergo Pulmoniacis affectibus commendatur, si ita præparetur, ut nobiscum colludat. Magisterium, Arcanum, & Primum Ens Archidoxa Paracelsi docent; Elixir item Proprietatis, quod sine Sale Circulato perfici nequit. Aliud facilius sine Sulphure habet *Helmontius paulo antè titulum, in verbis, herbis, & lapidibus magna est virtus*. Sunt tandem Sulphura Mineralium, & Metallorum, quorum virtutes verbis deprædicari non possunt: Sulphur nimirum Veneris, Stibii, ac Glaure *Angurelli*, quæ Nympha, ut *Helmontius tractatu mox citato* eam appellat, alio nomine proprio hætenus caret. De his in studioforum gratiam repeto admonitionem ejusdem authoris eodem titulo dicentis. Hortor itaque tyrones, addiscant Sulphura spoliare vi peregrinâ ac virulentâ, sub cuius nimirum custodia abditur Ignis Vitalis,

Sulphur duplex.

Metallorum pater.

Spiritus.

Flores.

Balsami.

Oleum rubrum.

Sulphur Anodynum.

Magist. Arcan. Ens.

Primum.

Elixir Proprietatis.

talis, Archem in scopos desideratos placidissimè reducens. Arsenicum virulentum Minerale, & forte venenum ob corrosivam suam naturam Medicamentum tutò intra corpus sumendum evadere nescit. Domitor ejus est Salpetræ, qui venenatas ejus proprietates retundit, & fixum ex eo Realgar facit, si repetitæ ab eo Spiritus Vini distillationes accesserint: Exteriori corpori prodest in Ulceribus adhibitum. Venerem dealbando fragilem reddit Arsenicum, ideo nil commodi dealbatione hæc afferens, quod tamen is consequetur, qui eam ritè accommodare noverit. Auripigmentum huic affine ad Realgarium classem quoque pertinet, ac communem cum ipsis naturam obtinet, quæ fixa, & in igne stabilia reddita, in metallis aliquid præstare, & luci tantum apportare solent, ut aliquis facile honestam vivendi rationem inire possit, quod *Paracelsus* alicubi innuit. Sunt tandem terræ varæ & multiplices, ac diversa venarum metallicarum, metalla continentium, genera, quæ omnia ad Mineralium ordinem referenda, si hic enumerare moliremur, moles futura esset nostro proposito longè major, & superior, cujus limites ne transgrediamur, ad Metalla properamus. Metallum in Minerali Regno cæteris perfectius opus, ex Mercurio & Sulphure concretum, & coagulatum ortus sui primordia, ut reliqua omnia Mineralia ex aquæ elemento petit, & ex Semine suo Mercuriali proprium suum Sulphur in se continet, & nil nisi mera & ponderosa aqua, quæ manus non madescit, existente in sua terrestri & lapidosa matrice nascendo exurgit. Instar arborum autem ramosarum per superficiem terræ internam Metalla se expandunt, nunc sola, nunc aliquot conjuncta inveniuntur, in venis suis commixta inter lapides, saxa, silices & terras hærent, & sicut venæ per corpus humanum diffusæ, longè latèque sub superficie terrestri extenduntur. Est autem Metallorum hic ortus & progressus secundum Seminis, & sui ipsius vitam triplicem, ut *Helmontius* refert. Seminis Metallici vita prima est in condo, sive promptuario loci, i. e. Iliado, homini planè incognita: Secunda ubi semen in lucem liquore vestitum prodit, & Gas Sulphur aquæ incipit inquinare. Ultima, ubi indurefcit, & sic fit Bar Minerale seu Metallicum, aut succus ille, ex quo Metalla ortum suum ducunt. Metallorum verò Prima Vita est Ultima illa Seminis Metallici jam indurefcientis; Media, dum Massa illa Sulphur spirat, suumque intus claudit Mercurium; Ultima, ubi fixitatem, venæque stabilitatem propriam acquisivit. Metallorum Pater & Fabricator esse Sulphur dicitur, quod duplex in ipsis occurrit, Externum, & Internum. Illud vera metallorum matrix, ignem fugit, ac ignem fugiens Metallum seu Mercurium Metallicum coagulatum secum abripit, illumque quamdiu adfuerit, à perfectione sua cohibet, atque impedit, quò minus in perfectum Metallum abire queat. Nam in Auro planè remotum est, ac ab ipso operatione longâ & diuturnâ Naturæ segregatur: Argento parum aliquid adhæret separatu facile iis, qui artem cal-

Arsenicum.

Auri pigmentum.

Terræ & venæ metallice multiplices.

Metalla.

Metallorum ortus.

Vita Seminis Metallici.

Metallorum.

Metallorum Sulphur duplex.

Externum.

lent: Cætera Metalla penitus imperfecta reddit, & in imperfectione tamdiu conservat, donec aut Naturæ aut Artis beneficio semoveatur. Hinc fit ut Metallorum, & Mineralium latibula, imò tota ipsorum sedes tam incredibili copâ Sulphuris repleta inveniatur. Metallis itaque tam firmiter associatur, & adhæret, ut difficulter admodum ab ipsis separari queat, & nonnisi Naturæ operationi longissimâ, & admodum diuturnâ, aut veri Artificis peritiâ cedat, imò nonnisi per omnimodam, & totalem corporis Mercurialis aut Metallici destructionem auferri velit; Hoc, internum nempe Sulphur, Mercurio radicaliter inhærens, & quasi anima, aut forma ipsius interna, est de intimâ essentiâ perfecti metalli, adeò ut hoc nunquam & nullo modo coagulari, & in corpus durum, ac malleabile, aut sub malleo extensibile reddi posset, nisi Sulphur Mercurio alas combureret, ipsumque permanentem, & stabilem redderet. Intimè igitur, & radicaliter commixtum, & innatum Mercurio nunquam, & à nemine segregari à Metallico suo corpore potest, & cum eo aut in igne constans permanet, aut omninò in auras evolat, prout Mercurius ipse constans, aut inconstans in igne fuerit. Mercuriale hoc corpus cum suo Sulphure Essentiali, & interno dat purum & perfectum Metallum, in eo gradu, quem consequi Naturæ datum est. Sulphur autem hoc Internum, quod rectè perfectum, & filium Externi Sulphure, Patre suo, longè perfectiorem dixeris, est purissimus Ignis, in purissimâ suâ aquâ, quæ est Mercurius, conclusus, qui Mercurialem suam aquam adeò firmiter secum claudit, ut indissociabili nexu cohæreant, & omnem dissociationem respuant. In compositione Metallicâ, aut Metallico semine Masculi vicem obtinet, atque calidissimâ suâ qualitate Mercurium sœminam frigidam in tam tenax & fusibile corpus coagulat, ut frigido aëri expositum indurefcit, & sub malleo se extendi patitur; Ignis verò ardoribus excruciatum fusibilem naturam habeat, liquefcit, & per fusionem Mercurialis sui ortus signa ostendat. Utrumque ergo Sulphur accuratè distinguatur oportet ab iis, qui Metallorum mysteria admiranda penetrare, & perfectam eorundem cognitionem menti suæ insinuare cupiunt. Mercurius cum interno suo Sulphure incombustibili perfectum & optimum Metallum constituit, quod nullius Sulphuris Externi, & combustibilis particeps, atque adeò ignis patiens est, ut omnes ejus vires extremas & maximas penitus non extimescat, & nulla extirpatione unquam destrui valeat. Tale est Aurum actum, cui profecto nil nocere, & nulla elementa obesse possunt. Quantâ stabilitate, & constantia in validissimis ignium flammis consistat, & Saturni, Antimonii, aliarumque rerum, cæteris metallis inimicarum insultus, & consumendo pollentes vires repudiet, lippis, & tonsoribus notum est. Cætera quidem metalla actum talia dici non merentur, cum ignis & aliarum rerum cruciatibus pressa aufugiant, & à suo Sulphure combustibili, & externo, quod ignis impatiens in aërem avolat, una abripiantur, & avehantur. Habent quidem

Internum.

Puri & perfecti Metallum corpus.

Sulphur purissimus Ignis.

Aurum.

Cætera Metalla.

(1)

juxta